

Pitögören Kimbi 1

Pitönön Kimbiñi mutukñi alök.

Jim-asa-asari

Pitönön Buña Kimbiñi ki ohoba Kraistkö alaurupñi Eisia prowinsgö Not likepñe denða malgeri, yeñgöra ali anda liliköyök. Könahiba qetñini kewö qeta ohoyök, “Anutunön ambazip nanñangöra möwölöhöm enñiyöhi, mienön.” Mötnarip ambazip sesewerowero miwikñaiba sihimbölö möta malgeri, yeñgö uruñini nanñomapköra aka Kimbi ki ohoyök. Kraistkö Ölöwak Buñagö könañi ölum enñubapüköra aka Jisösgö keuñi kunbuk kewö jim asariyök, “Jisösnön kömuyökmö, kunbuk kömupnöhök guliba wahöta kunbuk lilingöba kamangö jim jöhöba oyaenköyaen akingö jörömqörömñi neñgiiga al mambörakzin. Mianğöra sihimbölö mörakzei, mi mönö möt anğön köla kapan köla köhöiba kinda malme. Sihimbölö mianñon mötnaripñini keworiga ölñambuk akña ewö, Anutunön mönö likepñi melen enñima. Jisös Kraistnön asuhumawi, nalö mianğoreñök mönö aködamunñinambuk akñe. Keu mi möta awösamkakak kinme.” Mewö qambañ enñiba ohoyök.

Wahöjalinñ nalöñe uruñini nanñom enñiba toroqeba köhöiba kewö uru kuñgum enñiyök, “Inñini Kraistkö buñaya akzeañgö dop mönö malmal sarakñi malme.”

Buk kianğö bahöñi bohonñi 6 mi kewö:

Keu mutuknji 1.1-2

Anutugö amötqeçe nupkö könanji 1.3-12

Malmal saraknji malbingö jimkutukutu 1.13-2.10

Sihimbölö qakne nup denöwö bisibin 2.11-4.19

Uruñini melenđa memba et ala nup meme 5.1-11

Buňa kimbi kiangö keu kötnji bohonji 5.12-14

¹ Anutunöñ ambazip nanñanğöra möwölöhöm neñgiiga neñgöreñök injini tosatñan Israel mosöta prowins qetñini Pontus, Galesia, Kapadosia, Eisia aka Bitinia miangöreñ denđa anda malje. Pitö nöñön Jisös Kraistkö melaimelai azi aposol aka embuk keu eraum mötpingöra kimbi ki ohozal.

² Iwi Anutunöñ qeljine möpñanğö möpñe mötmöt areñ ali ahöiga miangö dop Uña Töröñan injini mem sarahim enñgiiga Anutugö buñanji aket. Anutunöñ injini Jisös Kraistkö jitñi tem kölmegöra möwölöhöm enñgiiga Kraistkö sepñan qewösahöi enğömiriba sanğon enğimakza.

Anutugö kalem möriamñan mönö uruñini dop sehiiga luainöñ malme. Mewö.

Oyaenƙoyaenğö jörömqörömninañğöra Anutu möpöseibin.

³ Neñön Kembunini Jisös Kraistkö Iwiñi Anutu i kewögöra möpöseimakin: Anutunöñ ak kömükömu ketanji neñgiba neñgömeiga ahuahu dölökñi ahuin. Ahuahu dölökñi ahuba Jisös Kraistnöñ guliba kömupnöhök wahöröhi, neñön miangö dop guliba wahöta oyaenƙoyaen akingö jörömqöröm aka maljin. ⁴ Oyaenƙoyaen buña qem anğubingöra jörömqöröm aka al mambörakzin. Anutunöñ oyaenƙoyaen mi urumelen alaurupñi

nengimapköra Suep mire ali ahöza. Miangören ahöba qahö sahaha kahawet memba töwiba gisahöba ayapköma. ⁵ Mötnarip köl gulime ewö, Anutugö ösumñan sel jöhöba kölközizip enjiiga Suepkö bunaya malgetka Jisösnöñ ölop enjuangiriga Suepnöñ öngöba oyaenko-yaen akñe. Anutunöñ Amötqeqe Tonangö könani nalö teteköñe mewö indel teköiga ambazip jim asarim enjibingöra aka ahöza.

⁶ Oyaenkoyaen akingöra söngaiba maljemö, gölmenöñ malinga Anutunöñ esapesap Tonji qahö jöhöiga lömböt anjösirip könani könani asuhugetka sihimbölo miwikñaiba möta malje. Nalö töröpñi mewö malmemö, mi töndup sösongai aka malje. ⁷ Anutunöñ esapesap qahö jöhöiga qakñine öngöba mötnaripñinangö tandökñi kewörakza. Köt ölnji köhöikñi goul miangö söngöröñan mönö guli dötnam ongitzapmö, töndup nalö kunöñ ayapköm teköma. Nalö töröpñangöra aka ambazipnöñ goul mia kun könöpnöñ delasi ohoba ölnjan gizikörörök ahöbapuköra kewöta esapkömakze. Miangö dop injini ölnja törörök möt nariba kin köhöimakze me qahö, esapesapnöñ mönö miangö könani kondelakze. Anutunöñ urunini ölnji kewöriiga goul kewögöra ongitmapköra mötza: Mötnaripñinan pöwöwöm köhöikñi aiga söngöröñi öngöngöñan goul silwö gwötpuk ongita nalö teteköñi qahö bauköm enjii dop kölma. Mewö engehi dop kölma ewö, Jisös Kraistnöñ kunbuk asuhumawangö nalöñe mönö möpöseim enjiiga Anutugö jene qetbuña miwikñaiba aködamunñinambuk akñe.

⁸ Injini Kraist qahö eka töndup jöpaköm wangiba malje. Nalö kewöñe Kraist qahö eka töndup möt

narim wanğimakze. Mewö aka sösöngai sorokñi aködamunğambuk söngaimakze. Sösöngainini mi-añön mönö jitnöñ jijigö dop qahö akza. ⁹ Inini Jisös möt narigetka amöt qem engiiga letotket. Mötnaripñinanğö tohotñi mi Suep mire eu ahöza. Anutunöñ uñañini engömeiga eñön euyangören öngöba tohot mi zilañ misirimegö möta sösöngai ahakze. Mewö.

Kezapqetok ambazipnöñ jörömqöröm aka malget.

¹⁰ Kezapqetok ambazip yenön amötqeqegö könani jaruba Anutu köuluköba qeqesi ala möt kewöta mala kotket. Mewö mala Anutunöñ kalem möriam engimapkö möt asariba miangö kezapqetok keuñi mi qeljine jiba mala kotket. ¹¹ Kraistkö Uña Töröñan kezapqetok ambazip sölölohöm engiba asuhumapkö keuñi indela sañep ala kewö jii mötket, “Kraistnöñ sihimbölö möta miangö andöñe asakmararañ aködamunğambuk miwikñaiba asariba malma.” Mewö jiiga möta Amötqeqe Toñan wani nalönöñ aka dendenöwö asuhumawi, miangö könani jaruba qeqesi ala möt kewöta malget. Mewö mala söpsöp keuñi keuñi qeljine nanğöba jiba mala kotket.

¹² Amötqeqe Toñanğö könani jaruba qeqesi ala möt kewöta malgetka Uña Töröñan mötmöt kewö indel engiba jiyök, “Inini mönö nanñini welennina kude qem anğumemö, ambazip kōnañep ahuba keuñini oyonmei, mönö i baukōm engiba malme.” Mewö jiba kezapqetok keu engiyöhi, nini tosatñan mi nalö kewöñe liliköba jim asarim engiinga mötket. Kraistnöñ Uña Töröñi Suepnöhök melaiiga

eta ambazip sölölöhöba inahöm enjiiga Ölöwak Buña jiba uru kuŋgum enjiba malgeri, yeñon Buña keu miyöhök jiba malget. Kezapqetok keu miangö ölni asuhuiga Suep garataurupninan mewöyök mi uba eka könañi möt asaribingö awöweŋgöba malje. Mewö.

Anutunöŋ sarakñi malbingöra neŋgoholakza.

¹³ Buña keuñi mewö ahözawaŋgöra eñon mönö uruñini Anutugö nupköra ala oponiñi öröget yöhöiga mem kurukñini memba kinme. Mönö böñ qeba nanñini ahakmemeñini galöm köl aŋguba malme. Jisös Kraistnöŋ kunbuk ashuba miangö nalöŋe kalem möriam enjimawi, mönö miangöra al mamböta jöröm-qörömñini pakpak miangöreñ ala malme. ¹⁴ Anutugö nahönbörat-urupñan keuñi tem kölakzei, eñon mönö miangö dop köna sarakñi wuatangöba malme. Mutuk gukmaulem tönpin malgetka nanñini sihim kömbönañini bölöŋan yeyasenŋeñ mem enjigetka lanlan malget. Mewö malgetmö, nalö kewöŋe ahakmemeñini mönö sihim miengö dop kude toroqeba aka memba malme. Lan siksauk malbepuköra mönö galömñini mem aŋguba malme.

¹⁵ Lan siksauk qahöpmö, Anutu sarakñan enghoholiga eñon mönö mewöyök yangö dop ahakmemeñini pakpak miangöreñ sarakñi aka malme. ¹⁶ *Buña Kimbigö keu kun kewö ohoget ahöza, “Nöñon töröñi sarakñi maljalangöra nöngö buñani eñon mönö sarakñi aka malme.”

¹⁷ Anutugöra “Iwinini!” jiba ösumñi köl örömakzini, yanñon iwi ölöpñangö dop ambazip

* **1:16:** Lew 11.44-45; 19.2

tosatji qahö neŋgek soriba tosatji qahö qepureim enjimakza. Körek neŋgö ahakmemenini mönö dop mohotnöŋ kewöta mohot mohot neŋgö keunini jim teköma. Mianğöra Anutu töröŋaŋgö buŋaya akze ewö, mönö gölmenöŋ kusukŋi malmeaŋgö dop sarakŋi aka malme. Jitŋinanök qahöpmö, ahakmemeninan mönö Anutugö jitiŋi oŋgitpinpuköra sömbuŋini möta malme. ¹⁸ Mewöyök Anutunöŋ sohopŋini meyöhaŋgö könaŋi mötagun mönö sarakŋi aka malme. Ambósakonurupninan tandö lopion mötmöt laŋ wuataŋgöba ahakmeme omani kondel neŋgigeri, Anutunöŋ iŋini yeŋgö dop toroqeba laŋ malbepuköra bohonŋini öŋgöŋgöŋi gila sohopŋini meyök. Bohonŋi mi silwö goul oŋgita gilöhi, mi mötze. Gölmegö moneŋ inap ayapkömawaŋgö dop akzawi, yuai mewöŋi mianğön bohonŋini qahö meyök.

¹⁹ Mianğön qahöpmö, Kraistkö sepŋi söŋgöroŋi öŋgöŋgöŋi mianğön mönö bohonŋini meyök. Kraistnöŋ lama moröŋi solanŋi uzi poretiŋi qahö tandök aiga jöwöwöl ohohogö tandök qegetka sepŋi mokoyök. Mianğöra mönö sarakŋi aka malme. ²⁰ Anutunöŋ mutuhök Suep gölme qahö miwikŋaim etkiba nalö mianğöreŋök Kraist möwölöhöba sohopniŋi memapkö nup areŋ mi lök qeljiŋe ala areŋgöyök. Mi areŋgöiga ahöi mala kota malgetmö, nalö teteköŋe kianğöreŋ iŋini ölöwakŋegöra aka indeli aukŋe asuhuyök. ²¹ Kraistnöŋ nam köl enğiiga ölöp Anutu möt narim waŋgimakze. Anutunöŋ Kraist mem gulim waŋgii kömupnöhök wahöriŋa asakmararaŋ al waŋgii malja. Mewö maljawaŋgöra aka iŋini Anutu möt

nariba kinda yuai pakpak jiyöhi, mianğö dop ahakıapkö jörömqöröm ak wanğimakze.

²² Jörömqöröm ak wanğiba keu ölni tem kölgetka Kraistkö sepıan köl könjörat mem enğıiga malme. Mewö mala ölop urumelenı alaurupıını genımonı qahö jöpaköm enğıiba malme. Urukönömnıını pakpak mianğön mönö kapanı köla törörök urukalem ak anğuba malme. ²³ Malmal köhöikıanğö keunı mianğön mönö nam köl enğıiga ahuahu döläknı ahuget. Gölmegö keu kusukıı kunıan qahö nam köl enğıiga Iwi ketanıanğö nahönböraturupıı aket. Anutugö keunıan mönö qahö ayapkömapmö, teteköni qahö zenı ahöm öngöma. ²⁴ *Keu mianğö könanı mi Buıa Kimbinöı kewö ohoget ahöza: “Ambazıp pakpak inıını mönö gwözözak luplup tandök akze. Aködamunıını pakpak mi juranı asakasak-ınambuk tandök akza. Gwözözak luplupnöı mönö soholiba gororonğögetka juranıınan buratıba teköqeköba etme.

²⁵ Mewö etmemö, Kembugö Buıa keu malmal köhöikıı neıgımakzawı, mianğön mönö teteköni qahö ahöm köhöıba ahöm öngöma.”

Buıa keu mianğön Ölöwak Buıaya aıga tosatıan mi jım asarım enğıgetka mötze. Mewö.

2

Köt malmalınambuk yambuk kinda sarakıı akııe.

¹ Buıa keu mötzeanğöra mönö bölönıamıını pakpak köteköba gilme. Genımonı köıbıı pakpak mosötme. Ahakmeme silesile mi sisitıı memba tököme. Körögisıgıı aka andöqeqe keu yöhösanı

* **1:24:** Ais 40.6-8

ahakzei, mi pakpak mönö qekögetka et teköma.
² Morösesepsep geŋmoŋini qahö yenön juzu nembangörök möta awöweŋgömakze. Eñön mönö miangö dop Buŋa keu qahö möwöramgögeri, mi urukönömŋine albingö awöweŋgöba malme. Mewö mala möt-naripŋini köl guligetka qarim köhöiiga letota mala oyaenŋkoyaen akŋe. ³ *Buŋa Kimbigö keu kun kewö ahöza, “Nene kun nepöleköba nahömŋi mötkeri, miangö dop Kembu ölöpŋi yambuk qekötahöba nahömŋi mötket.” Keu miangö dop Kembangö nahömŋi mötze ewö, mönö Buŋa keunöŋ qarim köhöiba malme.

⁴ Kraistkö söpsöp keuya jimam: Kraistnöŋ wahöta Anutugö tandö kömbönaŋi aka malmal köhöikŋaŋgö wöŋŋi akza. Inini mönö yangöreŋ kaba kunbuk letotme. Ambazipnöŋ tandö kungöra “Köt omaŋi,” jiba andö qeba mosötketmö, Anutunöŋ i Amötqeŋe Toŋi akŋapköra möwölöhöba yangöra möri bohonŋi öngöŋgöŋi ketanŋi akza.

⁵ Kraistköreŋ kaba guliba nanŋinak mewöyök köt jamönŋiŋ malmalŋinambuk ewö akŋe. Mewö aka mal köhöigetka Suepkö mitimqeŋe yanön engömemba uruŋini möhamgöiga köhököhöi miwikŋaiba urugö malmalgö jöwöwöl jike ölnŋi akŋe. Uŋa Töröŋan uruŋine mala sölölohöba mem letot enŋiiga jöwöwöl jike miangö jike nup galöm sarakŋi aka kinme. Uŋa Töröŋan nam köla inahöm enŋiiga tem köla Anutugö waikŋi memba möpöseim wanŋiba malme. Mewö malgetka Anutunöŋ enŋeka Jisös Kraistköra aka ahakmemenŋini mewöŋaŋgö sihimŋi möta malma.

* **2:3:** Sum 34.8

6 *Buña Kimbinöŋ keu kun kewö ahöza: “Eket, Anutunöŋ mönö köt tandö kun möwölöhöba Zaion kundunje Israel kambu uruŋine kömötpiga tandö kömbönaŋi guli damandan (milyön Kina) ewö akŋa. Denike yeŋön tandö pöwöwöm köhöikŋi mi möt narim waŋgimakŋei, yeŋön mönö yaŋgöra aka gamu qahö möta malme.”

7 *Möt narim waŋgiba maljei, engö jemesoholŋine mi tandö kömbönaŋi aködamunŋambuk akzapmö, tosatŋan uruŋini qahö melenđa maljei, yeŋö jeŋine mi Buña keu kiangö dop ahöza: “Miri meme yeŋön ‘Köt omani,’ jiba tandö kun andö qeba mosötkeri, tandö mianöŋ mönö tandö kömbönaŋi ahök. Könaŋgep tandökŋi ain ewö miwikŋaiget. Tandö pöwöwöm köhöikŋi mewöŋan tiŋgitpawak ewö, mirinöŋ mönö gororongöba eta kölbawak.”

8 *aka Buña keu kun kewö ahöza, “Ambazipnöŋ köt jamönŋiŋ miangöreŋ tötaŋgöba enŋuiga mianöŋ mönö enŋum mizit ak enŋima.”

Yeŋön Buña keu qahö tem köla nanŋini imbi wu-ataŋgö-makzeanŋöra aka tötaŋgöba erakze. Anutunöŋ mewö areŋgöm enŋiyöhanŋö dop erakze.

9 *Yeŋön mewö erakzemö, enöŋ ambazip kambu qainŋi kun kewö akze: Anutunöŋ inŋini nanŋanŋöra möwölöhöm enŋiiga qainŋi kun akze. Anutunöŋ söŋaupnöhök enŋoholiga asakŋi wewelip-ŋambuk miangöreŋ anŋota jike nup galöm kambu sarakŋi akze. Anŋöletot aködamunŋambuk memba malöhi, miangö Buña keuŋi mi jim asaribingöra enŋoholök. Enŋoholiga Anutugö buña

* 2:6: Ais 28.16 * 2:7: Sum 118.22 * 2:8: Ais 8.14-15

* 2:9: Eks 19.5-6; Ais 43.20-21; Dut 4.20; 7.6; 14.2; Tai 2.1; Ais 9.2

könagesöñi mala Kiñ Kembugö jembonurupñi aka nupñi liliköba memakze. ¹⁰*Mutuk Buña Kimbigö keu kungö dop “simbisembel lañ malgetmö,” nalö kewöñe uru jöhöm anguba kutulangöba “Anutugö urumelen könagesö kambu” aka malje. Mutuk Anutugö ak kömukömugöra “gukmaulem malgetmö,” nalö kewöñe “engehoriiga kalem möriamñi ölop möt kutuba malje.” Mewö.

Anutugö welenqege ambazip kewö aka malbin:

¹¹ O wölböt alaurupni, Suepkö buñaya aka gölmenöñ ki kujuk kiana maljei, nöñön engö uruñini kewö kuñgumam: Silegö sihim kömbönañini bölöñan galöm köl engibapuköra mönö nanñini angön köl angume. Sihim murutñi murutñi mienön mönö uruñini mem bölimegöra bim qemakze. ¹² Uruñini qahö melenjeri, yeñgö sutñine ahakmemeñini ölopñanök aka memba malme. Tosatñan inñini bölöñi meme ambazip ewö keunöñ jim bölim engimakzei, yeñön ahakmemeñini ölopñi eka könañamñini törörök möt asarigetka mötmötñinan uteköma. Mötmötñinan uteköiga nanñini siñgisöndokñini aka möt sohosohonñini ek kutuba uruñini melenña Kraist asuhumawangö nalöñe engöra aka Anutu möpöseim wangime.

¹³ Anutunöñ malmal arengöiga ambazip tosatñan galöm köl neñgimakze. Kembugö qetñi bisize ewö, enön mönö körek yeñgö keu bapñe anda malme. Kiñ aka ministö yeñön bohonñini akzei, inñini mönö yeñgö jitñini tem köla malme. ¹⁴ Kiap aka gawönö yeñgö jitñini mewöyök tem

* **2:10:** Hos 2.23

köla malme. Yenön ambazip bölöni akzei, yengö keunji kewöta likepni melenj engimakzemö, ölopni ahakzei, yengö qetjni möpöseimakze. Anutunöj miangöra aka gawman ambazip al engiiga malje. ¹⁵ Anutugö jit sihitjan mönö kewö ahöza: Kezapjupjup ambazip gukmaulem kinda engöra uruqahö keu omani omani jimakzei, injini mönö ahakmeme ölopni aka memba mianön yengö numbuñini muhungögetka ölöj malme.

¹⁶ Anutunöj bölönanö kösö gwaröneyök pösat engiiga lolohogeri, injini mönö miangö dop ahakmeme solanji aka memba malme. Mewö malmemö, bölönanjini turumegöra “Kösö gwarönini qahö solanji (fri) maljin,” jiba miangörej möndöba nanjini imbiñini kude wuatangöme. Mewö qahöpmö, Anutugö jitji tem köla welenni qemakzei, mönö miangö dop gwarö qahö malme. ¹⁷ Ambazip körek mönö göda qem engiba malme. Urumelenj alaurupjini mi urukönömñinan jöpaköm engiba malme. Anutugö keunji ongitpinbuköra mönö sömbuñini möta malme. Kiñ aka ministöurupjini yengöra mönö mötket öngöiga göda qem engiba malme. Mewö.

Kraistnöj sihimbölögö silik ölopni kondel nengiyök.

¹⁸ Welenqequeurup injini mönö ketanjanjanö keu bapje anda göda pakpak kondel engiba malme. Urubönjönöj galöm ölopni ak engimakzei, yengörök qahöpmö, öröm ureim ak engimakzei, mi mewöyök törörök göda qem engiba malme. ¹⁹ Denike yenön Anutugö jitjanö dop ambazip göda qem engiba malgetka töndup könanji qahöpmö,

öne kahasililiŋ ak enġigetka sihimbölö möta kapanċ köla mökösoŋmakzei, Anutunöŋ mi eka likepŋi melenċa kötuetköm enġiiga simbawoŋ akze. ²⁰ Bölöŋi aketka kömbinöŋ enġugetka mi möta mökösoŋda kinme ewö, nanŋinanġöra mönö denöwö aka mötket öŋgöbawak? Dopŋine enġugetka qetbuŋaŋi-nambuk qahö akŋe. Mewö qahöpmö, ahakmeme ölopŋi akeranġöra aka sihimbölö miwikŋaiba mökösoŋda malme ewö, Anutunöŋ mönö miangö likepŋi melenċa kötuetköm enġiiga simbawoŋ akze.

²¹ Kraistnöŋ mewöŋanök enġöra aka sihimbölö möta silik ölopŋi kondel enġiyök. Miangöra inċini mönö yangö köna tamböŋi mötöteiba sihimbölö möta mökösoŋda malmegöra enġoholök. Mewö mala simbawoŋ akŋe. ²² *Buŋa Kimbigö keu kun kewö ahöza, “Yaŋön siŋgisöndok kun qahö ahök aka yangö numbu jitŋeyök munenċ keu kun qahö erök.” Inċini keu miangö dop aketka dop kölma. ²³ *Ambazipnöŋ uruqeŋe keu töhöreŋ Kraist gwötpuk jim wanġigetka kitipŋi kun qahö melenċök. Sihimbölö ak wanġigetka möta kitipŋi mekömamgö qahö töröpköm enġiyök. Mewö qahöpmö, Anutunöŋ keu diŋdiŋanök jim tekömakzawi, mönö i möt nariba keuŋi yangö böröŋe ala jim tekömapkö mambörök.

²⁴ *Kraistnöŋ nenġöra kapanċ köla siŋgisöndok andö qeba ahakmeme solanŋi wuatangöba malbingöra aka sihimbölö mörök. Mi möri Buŋa Kimbigö dop “silenċi qegetka uzi asuhuyöhanġöra aka Anutunöŋ inċini mem ölöwak enġiyök.”

* 2:22: Ais 53.9 * 2:23: Ais 53.7 * 2:24: Ais 53.5

Ölöwakɲegöra mönö “nannak siŋgisöndoknini memba sileŋe aŋguba” maripomnöŋ öŋgöba kömuyök. Miaŋgöra iŋini mönö Kraistkö dop sihimbölö möta mököŋgögetka ölöwakɲa. Siŋgisöndökö esapesapnöŋ öröm neŋgiiga miaŋgöreŋ mönö qamöt tandök aka köhömuŋi malbin. ²⁵ *Mutuk iŋini “lama ewö janjuŋ anda kaba laŋlaŋ malget.” Mewö malgetmö, nalö kewöŋe uruŋinaŋgö galömnjaŋgöreŋ lilingöba kaba malje. Yaŋön iŋini lama ewö sel jöhöba köyan köl eŋgimakza. Mewö.

3

Awanöm yeŋgöreŋ qambaŋ keu

¹ *Anutu welen qebingö keuŋi lök jizalmö, ambi iŋini mönö mewöŋanök apurupŋini yeŋgö keu bapŋe anda malme. Mewö malgetka apurup tosatŋa Buŋa keu qahö tem köla maljei, yeŋön mönö mewöŋanök anömurupŋini yeŋgö ahakmemeŋini eka uruŋini melenbeak. Uruŋini melenɲa malmalŋini Kraistkö böröŋe almegöra Buŋa keu jitŋinanök qahö jimemö, Kraistkö könaŋi mönö silikŋinan kondel eŋgigetka ek asaribeak. ² Ahakmeme sarakŋi diŋdiŋi aka memba Anutugö jitŋi oŋgitpepuköra keŋgötŋini mötketka azinöŋ mewö eŋgek yakögetka Kraistpuk qekötahöba malbingö sihimŋini ahubawak. ³ *Silegö aködamunŋinanök mönö kude mem öŋgömakŋe. Nöröp sawaŋini qeba gawasu könaŋi könaŋi kude ala minjɲa öŋböŋ kude memba malme.

* **2:25:** Ais 53.6 * **3:1:** Ef 5.22; Kol 3.18 * **3:3:** 1 Tim 2.9

Kösasorom goul yuainöŋ silenini kude meŋölöm aŋgume. Sileötaŋ qetpuk sorok aködämunŋambuk mi kude mem aŋgume.

⁴ Mewö qahöpmö, aködämunŋini ölni mi mönö töp megetka uruŋine ahöma. Uŋaŋinan luainöŋ bönjöŋ malgetka aködämunŋini ölni mianöŋ tölapŋe ahöba mönö nalö kunöŋ qahö ayapköma. Urubönjöŋ malgetka Anutunöŋ engeka möri öŋgömakŋa. ⁵ Mönöwök ambi sarakŋi yeŋön Anutubuk kindä jörömqöröm ak waŋgiba yuai pakpaköra mamböta malgeri, yeŋön mewöyök uruŋinaŋgö aködämunŋinan meŋölöm aŋguba apurupŋini yeŋgö keu bapŋe anda malget. Mönö ambi miengö dop aka malme. ⁶ *Saranöŋ apŋi Abraham tem köl waŋgiba “Azi kembuni!” jiba ohola malök. Inini mewöyök zeŋ kindä nup ölöpŋi ölöpŋi memba awösamkakak kindä yuai kungöra jönömŋini qahö undui apurupŋinambuk malme ewö, mönö Saragö dop ambi aköda-munŋinambuk aka malme.

⁷ *Ambi yeŋön ösumŋini eretŋi akzemö, töndup malmalgö kalem möriamŋi mi azibuk öröröŋ buŋa qem aŋguba malje. Ösumŋini eretŋi akzeangöra azi mohot mohot inini mönö anömurupŋini törörök köyan köla lolongöm engiba malme. Anutunöŋ azi engö köulukŋini qepureibapuköra mönö göda qem engiba malme. Mewö.

Nup ölöpŋi memakzemö, sihimbölä töndup mötze.

⁸ Keuni tekömawaŋgö qambaŋi kewö jizal: Inini mönö körek urumohot aka urumelen alaurupŋini urubönjöŋnöŋ jöpaköm aŋguba

* **3:6:** Jen 18.12 * **3:7:** Ef 5.25; Kol 3.19

malme. Gunbönjönjön mala nanñini memba et al anguba uruñinan jöhöm anguba mohotje kinme. ⁹ Jinöñ jibi nungunöñ guhubi aknöñ aki mi kude ahakñe. Uruqege keu töhöreñ jim engigetka kitipñi kude meköme. Mewö qahöpmö, keu bölöñangö likepñi melenja mönö kötuetköba uruölöwak engiba malme. Mewö aka malgetka Anutunöñ likepñi melenjiga kötümötuetñi buña qem angumegöra engoholök. Mewö aka mala Kembu asuhumawi, nalö mianjöreñ mönö oyaenköyaen akñe. ¹⁰ *Mewö akñegö keuñi mi Buña Kimbinöñ kewö ohoget ahöza: “Kunöñ malmal nahömñambuk malmamgö ak wanjiiga wehön ölöpñi ölöpñi eka malmamgö mötzawi, yañön mönö nesilamñi keu bölöñi jibapuköra jöhöba malma. Numbu sunjeyök geñmoñ keu asuhubapuköra mönö galöm mem anguba malma.

¹¹ Ahakmeme bölöñi mönö andö qeba nup ölöpñi ölöpñi memba malma. Luainöñ malmalgö jaruba mi buña qem angumamgö kapan köla kinma.

¹² Mi kewögöra: Kembangö jeñan ambazip solanñi engek galöm aka köulukñinañgöra kezap alakzapmö, goñgoñi mi qahö mesohol köla engehakza.”

Keu mewö ahöza.

¹³ Injini nup ölöpñi membingö urukönöp aka malme ewö, ambazip sehisehiñan mönö nupñini geñmororoñ memba mem bölim engibingö qahö mötme. ¹⁴ *Mi qahö mötmemö, töndup ahakmeme solanñi akerangöra aka sihimbölö mötpeak ewö,

* **3:10:** Sum 34.12-16 * **3:14:** Mat 5.10; Ais 8.12-13

inini mönö töndup Anutunöŋ kötuetköm enŋiiga oyaenŋkoyaen akŋe. Kahasililin mem enŋibepuköra mönö öne töwöratiba kenŋötnini möta uruŋini eri möt bölöbölöŋinan enŋubapuk. ¹⁵ Uruŋinan kude etmapmö, uruŋini mönö Kembu Kraistkören jöhöba könaŋi sarakŋi pöndaŋ mötmörigetka öngöi malme. Nalö dop jöjöröba Kraistkö könaŋi ambazip jim asarim enŋiba malme. Oyaenŋkoyaen akingö jörömqöröm akzei, ambazipnöŋ miangö könaŋaŋgöra qesim enŋigetka mönö körek yeŋgöra keu melen enŋiba malme. Mönö guŋböŋjönjön qakŋe ambazip göda qem enŋiba uru kuŋgum enŋiba malme.

¹⁶ Keuŋini mewö galöm kölgetka Anutunöŋ enŋeka “Dop kölja,” jiiga urukezapŋinan mewö mötmegöra kinme. Kraistpuk qekötahöba kinda ahakmeme ölöŋni aketka uruqeqe keu töhören laŋ jim enŋimakzei, yeŋön mönö nanŋini keu bölöŋaŋgöra aka gamu miwikŋaime. ¹⁷ Nup ölöŋni ölöŋni memba malgetka ambazip tosatŋan töndup kahasililin ak enŋigetka Anutugöra sihimbölä mötketka dop kölja. Yuai bölöŋi aka memba mianön sihimbölä miwikŋaigetka gamuŋambuk akza. ¹⁸ Kraistnöŋ mewöyök nalö kunöŋ siŋgisöndököra aka kömuyök. Nini goŋgoŋi ahinga Diŋdiŋi yaŋön neŋguaŋgiriga Anutugören aŋgotpingöra aka sihimbölä mörök. Gölme azia aiga silenŋi mem kömugetmö, Uŋa Töröŋan mem gulim waŋgiiga wahöta malja. ¹⁹ Uŋa Töröŋan waŋgiriga neŋgömosöta kömupkö senjom mire geba uŋa kösö gwarönöŋ malgeri, mönö yeŋgöra Buŋa keuŋi jim asarim enŋiyök.

20 *Mönöwök Noagö nalönöŋ waŋge ketanji megetka Anutunöŋ uruŋini melenmegöra kapan köla mökösoŋda mambörökmö, ambazipnöŋ keu qahö tem köla ayuhuba kömupkö kösö gwarönöŋ geget. Ambazip saiwa morörökŋi 8 mewöŋan Anutugö jitŋi tem kölgetka o aliga gölme turuba waŋge siriiga gölunöhök gouŋini köla bohonŋini jöhöyök. 21 Yuai mewö asuhuyöhi, mi o melungö söpsöpŋi akza. Jisös Kraistnöŋ kömupnöhök wahöta maljawangöra aka nalö kewöŋe o neŋgömirigetka Kraistkö ösumŋan neŋgualöŋda bohonini jöhömakza. O mi silegö töwötŋi saŋgoŋmapköra aka qahö al neŋgizemö, o melungö ölnji mi kewö: Nini Anutubuk malbingö jöhöjöhö aka jöjöpaj keunöŋ jöhöba kewö köulukö-makzin, “Anutu, gi mönö qewöloŋi saŋgoŋnöŋga uruŋan sarakŋi aiga göhö jege dop kölma.”

22 Jisös Kraistnöŋ Suep mire eu öngöba Anutugö böröŋi ölnje buŋabuŋaŋambuk tatza. Anutunöŋ kukösum waŋgiiga tata Suep garata aka Suepkö bem suahö könaŋi könaŋi ösum-mumuŋinan neŋgek galöm aka kuŋgum neŋgimakzei, mi tok galöm köl enŋiiga keuŋi bapŋe malje. Mewö.

4

Mönö letota malmal qainŋi kun malme.

1 Kraistnöŋ silenje sihimbölö mörök. Miangöra inŋini mewöyök silenine sihimbölö mötpingö jöjöröba malme. Yambuk mötmöt mohot kewö memba mötmörime: Kunöŋ siŋgisöndok ahakzawi, yaŋön mönö nanŋi silenjaŋgö sihimŋaŋgöra ak

* 3:20: Jen 6.1-7.24

wanġimakza. Kunöŋ Kraistkörä aka sihimbölä mörakzawi, yanġö sihim kömbönaŋi bölöŋan mönö sörörauba eri siŋgisöndok tököba qahö akŋamġö kapaŋ köla malma. Urumötmöt mianġön mönö wötŋini mem enġiiga mianġöreŋ töndangöba aködammunŋinambuk aka malme.

² Urumötmöt mianġöreŋ töndangöba kinda uru sileġö sihim kömbönaŋi bölöŋi jöhöba galöm köla malme. Nalö kewöŋeyök könahiba gölmenöŋ toroqeba mal öŋgömei, mianġöreŋ mönö Anutugö jüt sihitŋi tem köla wuatangöba malme. ³ Inġini nalö mala kotkeri, mianġöreŋ anġöjörak ambazip uruŋini qahö melenġa ahakmeme bölöŋi laŋ ak-ingö mötzei, mönö yenġö dop kewö laŋ malget: Serowilin aka sihim kömbönaŋini bölöŋi laŋ wuatangöba malget. O jawat, gojak daun yuai mi otoŋomboraŋ memba kanjam köla negetka nöröpŋini sohoi enġololoŋ malget. Közölömbuan ala liŋet unduba ambi kenam mem bölim enġiba kezapjupjup aket. Tandö lopioŋ liliköba simin köl enġiba yuai kanjamambuk aket. Mewö aketmö, nalö kewöŋe ahakmeme mewöŋi mi qahö toroqeba ahakze.

⁴ Anġöjörak ambazipnöŋ söŋaup malmalgö sömuk piliŋ-piliŋgöba ahözawi, mianġöreŋ öröba luhuba gemakze. Inġini yembuk kude öröba gegetka eka auruba uruqeŋe keu töhöreŋ jim enġimakze. ⁵ Mewö ahakzemö, Anutugö jeŋe anġotketka qesim enġiiga könaŋamŋini aukŋe indela jim asarigetka möndömöndöŋini kesalma. Anutunöŋ ambazip maljini aka kömukömuŋi mönö körek nenġö keunini kewöta jim tekömamġö jöjöröza. ⁶ Sileninan kömumba keuninan

mianğoreŋ qahö teköma. Mianğöra Ölöwak Buŋa mi kömupkö senjom mire maljei, mienön mewöyök mötmegöra Kembunöŋ mutuk jim asariyök. Mi kewögöra: Anutunöŋ ahakmemeŋini kewöta ambazip tosatŋi neŋgö dowa jim teköm eŋgiiga silebuk malgeraŋgö likepŋi miwikŋaimemö, tosatŋan uruŋini melenđa uŋaŋinan guliba malmal köhöikŋaŋgö buŋaya aket. Anutunöŋ nanŋak mal köhöimakzawi, mianğö dop körekŋan malmal köhöikŋi mal öngömegöra möt köhöimakza. Tosatŋan Buŋa keu mi uruŋini kuŋgum eŋgimegöra jiget. Mewö.

Nup memegö mötmöt kalemŋi mönö galöm köla malme.

⁷ Yuai pakpakö nalöŋan mönö tekömangö dopdowiza. Mianğöra iŋini köuluköbingöra mönö ikmaok kude malmemö, nanŋini ahakmemeŋini galöm köl aŋguba zeŋ kinda köuluk nup memba malme. ⁸ *Buŋa Kimbigö keu kun kewö ahöza, “Ambazip uruninan jöpaköm eŋgiba siŋgisöndokŋini sehisehiŋi kölaleiba gamuŋini turumakzin.” Mianğöra alaurup sutŋine mönö törörök jöpaköm aŋguba malme. ⁹ Iŋini mönö alaurupŋini köl öröba miriŋine köisirik tata uruŋinan jimöŋgot ihururukŋi qahö köyan köl aŋguba malme.

¹⁰ Anutunöŋ kalem möriam könaŋi könaŋi mianğö Toŋi akza. Yaŋön nup memegö mötmöt kalem murutŋi murutŋi mendeŋ eŋgi malje. Iŋini mohot mohot mönö mötmöt kalemŋini ölöpŋanök galöm köla mianön könagesöurupŋini welen qem

* **4:8:** Qam 10.12

engiba malme. Mi buña qem anğugeraᅅö dop nupnönᅅ ala kambu sutᅅine bauköm anğuba malme. ¹¹ Nup memegö mötmöt kalem yahöt mi kewö: Denike yeᅅön Buña keu jim asarimakzei, yeᅅön mi mönö Anutunönᅅ sölölöhöm engimakzawaᅅö dop jiba malme. Denike yeᅅön alaurup welennini qeba naᅅgöm engimakzei, yeᅅön mönö Anutunönᅅ inahöba ösum engimakzawaᅅö dop alabauk ak engiba malme. Jisös Kraistkö buña akzeᅅöra yuai pakpak mianğoreᅅ mönö Anutu möpöseigetka qetbuᅅaᅅan aködamuraᅅambuk aka ahöma. Yaᅅön asakmararaᅅ Toᅅi aka kukösum Toᅅi mi nalöᅅi nalöᅅi mala kota malja aka teteköᅅi qahö mal öᅅgöma. Keu mi öljä.

Kraistpuk kindä sihibölö möta malme.

¹² O wölböt alaurupni, sihibölö qakᅅine öᅅgöi mötketka könöpᅅan engohotiriba esapköm engimakzawi, mianğöra mönö kude auruba malme. Yuai asuhum engimakzawi, mi upnina, mewö mötmöribepuk. Mi gölmenönᅅ maljinaᅅö dop asuhumakza. ¹³ Kude aurumemö, Kraistnönᅅ ölöᅅᅅi aiga kahasililiᅅ ak waᅅigetka möröhi, inini mönö sihibölö mianğö kitipᅅi mötzeᅅö dop sösöᅅgai aka malme. Yambuk mewö malgetka liliᅅgöba kaiga asakmararaᅅan asuhuiga nalö mianğoreᅅ mewöyök söᅅgaiba oyaenᅅoyaen akᅅe. ¹⁴ Ambazipnönᅅ enᅅeka uruᅅini Kraistköreᅅ melenᅅgeraᅅöra aka uruᅅeᅅe keu töhöreᅅ jim enᅅi-makze ewö, enᅅön mönö simbawoᅅ akze. Mewö jim engimakze-aᅅöra aka Anutugö Uᅅa Töröᅅi asakmararaᅅambuk yaᅅön mönö qakᅅine köla ösumᅅan turum engiba kötuetköm engimakza.

15 Engöreñök kunñan yuai bölöñi ahöhangöra sihimbölö miwikñaiba mötpapuk. Kunöñ kegwek-kahasililij aka ambazip enguba yuai yongorö meyöhi me tosatñi yengöreñ keu jim supapköba nup meme tandöktandök möndöba lañ lilikqilik aka lömböt miwikñaimakzawi, yañön mönö sihimbölöñi dopñe mötza. 16 Kunñan Kraistkö alañi akzawangöra angösirip miwikñaiba sihimbölö mötza ewö, yañön mönö mianğö gamumamusumñi kun öne kude mötma. Gamu qahöpmö, Kraistkö qetñi bisizawangöra mönö Anutu möpöseiba malma.

17 Anutunöñ ambazip keunini kewötmapkö nalöñan kam kuñguiga nanñi urumelen könagesöurupñi neñğö keunini mi mutuk jim teköma. Mutuk neñğö keunini jim teköma ewö, ambazip Anutugö Ölöwök Buña qahö tem kölgetka lömböt qakñine öngöiga teteköñe mönö denöwö asuhum engibawakto? 18 *Buña Kimbinöñ keu kun kewö ahöza: “Solanñi yañön Suep mire öngöbingö kupuk-kapak akñe ewö, siñgisöndok ambazip angöjörakñinambuk yañğö keuñini mönö denöwö asuhubawakto?”

19 Mianğöra alaurup Anutugö jitñi tem köla angösirip miwikñaiba sihimbölö mörakzei, eñön mönö uñañini miwimiwikñai Tonangö böröñe alme. Tonñi yañön keu jiyöhangö dop alaurupñi sel jöhöba kölközizip aka köyan köl engimakza. Uñañini yañğö böröñe ala mönö jegep kinda nup ölöpñi ölöpñi pöndañ memba malme. Mewö.

* 4:18: Qam 11.31

5

Jitnememe engörej qamban keu

¹ Nöñön urumelen könagesögö jitnememe kun aka Kraistnöñ sihimbölö möröhi, mianğö keunji nanğöba jimakzal. Könanğep lilingöba kaiga asakmararañan asuhuiga qetbuña ningii miwik-ñaimamğö mötzal. Engö sutñine nöñğö jitnememe alaurupni akzei, nöñön engö uruñini kewö kuñgum engizal: ² *Anutunöñ möt narim engiba lama kambuñi böröñine alöhi, eñön mönö i köyan köl engiba malme. Nup mi ölan qakñe qahöpmö, Anutugö jitñanğö dop urusihimñini nupnöñ ala mi amqeba urukönöp qakñe zeñ memba kinme. Möndömöndö qakñe injarere mala monen yuaigöra kude kapan kölma malme.

³ Lama kambu bapñine kaba kinjei, i mönö azi kembu tandök kude galöm köl engime. “Zioz galöm akzin,” jiba töptöpñine kude qeba miwidimğöm anğumemö, ahakmemegö silik ölöpñi mi lama kambu kondel engiba malme. ⁴ Ahakmeme ölöpñi aka malgetka lama galöm bohonñan kumbuk asuhumawi, nalö mianğoreñ mönö sorom jölñine uta ila jalö aködamunñambuk nöropñine köl engigetka buña qem anğume. Aködamun mianjön mönö nalö kunöñ qahö tahöliba piahima. Mewö.

Sepguli engörej qamban keu

⁵ *Sepguli iñini mewöyök galömurup yeñğö keunji bapñe anda malme. “Anutunöñ söñğöröqök ambazip tuarenjoñ ak engimak-zapmö, nanñini memba et al anğumakzei, yeñğöra mönö

* 5:2: Jon 21.15-17 * 5:5: Qam 3.34

kalem möriamñi engimakza.” Mianğöra inini mönö körekmakörek sutñine nanñini memba et al anguba malme. Tandök mianğön mönö maluku ewö kölget gem engiiga malme. ⁶ *Mianğöra mönö nanñini memba et al anguba Anutu böröñi kukösumñambuk mianğö bapñe angetka nalöñan kam kunğuiga ölop memba öngöba al engima. ⁷ Buña keu kun kewö ahöza, “Yañön inini köyan köl engimakzawañgöra waimanjatñini pakpak mönö yañgö böröñe ala mosötme.”

⁸ Ahakmemenini galöm köl anguba zeñ kinda pöndañ uru guliguli malme. Bölöñañgö Tonjan lañ liliköba ambazip tuarenjoñ aka jarum nengimakza. Kunñan sipkömturuk aiga yañön mönö laion sömbup ewö gwahöt nengimangö jöjöröza. (Laionöñ görörök qeriga silatñi mötketka böññini wahörakza.) ⁹ Inini sihimbölö mörakzei, engö urumelen alaurupñinan mönö mewöñanök gölme dop kahasililin miyöhök möta mökösoñda malje. Mi mötmöriba keñgötñini yaköriba mötnaripnöñ töndangöba kinda laion mi köhöikñanök tuarenjoñ ak wañgiba malme.

¹⁰ Inini nalö töröpñi sihimbölö möta malgetka mösöhöba nañgöm engiba töngum engiiga ölop kin köhöiba malme. Mewö Kraistpuk kingetkun aködamunñi tököm engiiga asakmararane öngöba teteköñi qahö asariba malme. Anutu, kalem möriam pakpakö Tonji akzawañön mönö inini mewö aka malmegöra engoholök. ¹¹ Yañön kukösum Tonji mala kota malja aka nalö teteköñi qahö mal öngöba malma. Keu mi ölna.

* 5:6: Mat 23.12; Luk 14.11; 18.14

Pitönöy yaizözkök keu teteköni jiyök.

12 *Anutugö kalem möriamñan mönö ak kömukömu öl töhöñji akza. Nöñön keu mi köhöiba nañgöba jiba eñön kalem möriam miangören tönnguba kin köhöiba malmegöra jim kutum engizal. Miangöra kimbi töröpñi ki jibiga neñakni Sailasnöy ohom engiyök. Yañön nömbuk pöndañ kinda urumelen neñakni akza. Yangöra mewö mötmörizal.

13 *Anutunöy urumelen könagesö injini ewö nanñangöra möwölöhöm engiiga Babilon siti bölöñji miangören* maljei, mienön mönö yaizözkökñini algetka engören kaza. Mötnaripkö nahöni Mak yañön mewöyök yaizözkökñi alja. 14 Injini sutñine urukalem-ñinanğö waikñini memba añgum añguba nemböñjini susuhuba malme.†

Alaurup Kraistpuk gekötahöba kinjei, luainöy mönö körek embuk ahöma. Mewö.

* **5:12:** Apo 15.22, 40 * **5:13:** Apo 12.12, 25; 13.13; 15.37-39; Kol 4.10; Flm 24 * **5:13:** Babilon mi Rom sitigö qet tölapña. Indelindel buknöy mewöñanök qet mi miangö dop ohoget ahöza.
† **5:14:** Nalö miangören jölöñjini jiba waikñini memba numbuñjini yöhötüm namba malgeri, mönö miangöra jiza.

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 21 Feb 2024 from source files dated 31 Aug 2023

c0871260-68cc-5a50-953f-52200e105d1e